



Vschinauncha da S-chanf
7525 S-chanf



ENGADIN
St. Moritz

Da la suprastanza cumünela

Promozion da la cultura Engiadin'Ota, decisiun da principi

In connex cul schoglimaint dal circol es da regler cu chi's voul ir inavaunt culla promozion da la cultura Engiadin'Ota. Per promover la cultura s'ho s-chaffieu la grupp da lavur "cultura illa regiun Malögia". Quella ho elavuro püssas propostas. Trais da quellas sun gnidas proponidas a maun da la conferenza da presidents. La prüma proposta es da surder la lezcha a la regiun in cumbinaziun cun s-chaffir eventuelmaing üna fundaziun da dret privat. La segunda varianta füss da s-chaffir üna corporaziun da vschinaunchas in cumbinaziun cun s-chaffir eventuelmaing üna fundaziun da dret privat e la terza proposta füss cha mincha vschinauncha es pissereda sves per la promozion da la cultura. La suprastanza es gnida a la conclusiun da propuner la prüma proposta a maun da la conferenza da presidents.

Engadin Arena, müdamaints plan da basa velo da muntagna

Ils 13 avrigl 2017 es gnieu decis a la conferenza da presidents cha la grupp da lavur dess perseguiter il cuntgnieu dal proget „Engadin Arena“. Quist proget prevezza, cha l'Engiadina dess gnir inscenida scu arena libra per sport da perseveranza cu eir pel sport da massa. Eir es gnieu fat ün inventar da las plazzas da sport cul focus sül sport da perseveranza. Quista glista es gnida actualiseda e cuntegna infurmaziuns our dals plans da basa passlung e velo da muntagna cu eir dad otras funtaunas. Intersecziuns cun l'Engiadina Bassa Val Müstair e culla Valposchiavo sun eir già definedas. L'ideja es cha las vschinaunchas sun responsablas per l'infrastructura e cha's integrescha la destinaziun da turissem cun purteders per examiner pass cu analisas e valütaziuns. Per la vschinauncha da S-chanf significha que però in üna prüma fasa da fer müdamaints aint il plan da basa velo da muntagna, voul dir cha vegnan müdedas las prioriteds da singuls tragets. La suprastanza piglia cugnuschentscha da la "Engadin Arena" ed aderescha unanim a la dumanda da müdamaints aint il plan da basa velo da muntagna.

Annunzchas da fabrica

La suprastanza ho piglio cugnuschentscha da seguintas annunzchas da fabrica:

- Thomas Dumeng, pittürer fatschedas, parcella nr. 629.
- Negri – Bruder Dorli e Mario, catramer nouv piazza da garascha, parcella nr. 619.

Dumandas da fabrica

La suprastanza ho concess seguints permiss da fabrica:

- Tuena Tiziana e Marini Oskar, renovaziuns da la chesa nr. 90, in Bügl Suot

Surdeda da lavuors

Reparaturas vias e plazzels cumünels:

Refacziun via Nandet – Susauna (Chesa Noscha):

- HEW AG, Zernez (offertas tenor proceder da maun liber)

S-chanf, 24.07.2017

La suprastanza cumünela